

Õ'HTTEKEÄSSMÕŠ

Päärnažä'sšvä'lddšee'kk mainäs ee'ttiik-kádda 2022

Päärnažä'sšvä'lddšee'kk tuájjan lij praavâd, što päärna vuõiggâdvuõdid da täävtõõzzid vä'ldde lokku lää'jžiõttummšest da õhttsaž-kääddlast tu'mmstõktuájast. Õ'htešt neelljast ee'jjest päärnažä'sšvä'lddšek räajj ee'ttiik-kádda mainnâz vaaldâšmsue'rjstes. Vuõssmõš vuâra ee'ttiik-káddmaainâs čõõdte ee'kken 2018.

Ķiõðâst áarrai ee'ttiik-káddmainnâz õõlgtõssân lij u'vdded ee'ttiik-kádda Ķiõldõk päärnai sââ-jest da sij vuõiggâdvuõdi teáuddjumšest Lää'ddjânnmest ee'jjin 2018-2021. Mainnâz täävtõssân lij staañad ee'ttiik-kâ'dd huõmsted päärnai vuõiggâdvuõdid tu'mmstõktuájstes, što tõt vuâitci ou'deed pue'r da päärnažvuõigâsvuâddlâž päärnaž-, nuõri- da piârrpolitiikk.

Ee'ttiik-káddmaainâs sii'skad kutt loogg, koin vuõssmõõzzâst čuõvte ee'jji 2018-2021 päärnažpolitiikk de tõõzz vaikktee'jid eettmõõžžid da õhttsažká'dd- poliittlaid oodummsid. Nuu'bbest looggâst ta'rkstá'lle lää'ddjânnam škooultempolitiikk, tõn oodummsid, teâttvuâdd da resuursid. Kuälmad looggâst činlmâ'tte ta'rkstõõllâmpooddâst oçntõõvvâm jeärbuž-kõõččmõõžžid, da neelljad looggâst rä'jje Ķiõldõk päärnaid kuõskki meersaž lää'jžiõtteem ou'dummša päärna vuõiggâdvuõdi suâppmõõžž vue'nnemkuu'lmet. Viidâd looggâst mainste päärnai da nuõri teivvmõõžžin da vää'lte see'st

vuâžžum teâd. Maainâs poott epiloogla, ko'st tuâggâ'tte da arvvilâ'dde ta'rkstõõllâmpooddâst rajjum meersaž päärnažstrategia.

Ee'ttiik-káddmaainâs čuâ'jat, što ta'rkstõõllâmpooddâst päärna vuõiggâdvuõdid liâ vä'žžlâsttam koronapandemia, äimm-muttâz da šõddeemvuõd lue'sttemnallšem eettmõõžž. Õhttsažká'ddest lij teáuddjam da liâ teáuddjõõvmen mäang vaiddâz oodummuž, kooi õhttvuõðâst päärna vuõiggâdvuõd liâ valddum lokku vaajtõõll'ânji. Päärna pue'rrvuõd vuâmmša vâlddmõš lij ouddnam uu'cces laau'kin da õõlगत juâtkkjeei mošt'tummuš. Seamma ääi'j päärna da nuõr jiiij haa'lee vuäs-sõõttâd da vaikkted grââm-a jii'jes jie'llma še õhttsažkáâddlõ'žže tu'mmstõktuõjju.

Maainâs sii'skad kolmm e'tkkõõzz. Vue'sšen päärnažä'sšvä'lddšek keäčč, što päärna pue'rrvuõd vuõss-sâjjsažvuõtt âlgg puõ'ttiäi'jest sii'skeed vuâddlää'jj (731/1999) vuâddvuõiggâdvuõttšioõlmid. Nu'bben päärnažä'sšvä'lddšek tuâtt, što Lää'ddjânnmest âlgg já'tt'tâ'tted päärnaisuõjjeemlää'jj ceâlaioodummuš. Kuälmeen päärnažä'sšvä'lddšek e'tkkad, što Lää'ddjânnam škooultempolitiikk resuurs â'lğge juâtkast staañad pá'jjel halltõspõõ'ji čõõnõõdee'l jee'res Tâ'vvjânnmi teâggtõõzz va'sttee'jid da čioõlgg-sânji meâ'rtõõllum teâggtemtâssa.